

Glacier Express – nov design

Dapli visibladad per il Glacier Express en il Grischun

■ (mc) Ina locomotiva da la Viafier retica porta da nov il design dal Glacier Express. Cun quei duai vegnir augmentada en il Grischun la visibladad da questa marca turistica renunada sin l'entir mund. La fundaziun da societad «Glacier Express AG» avant in onn per meglierar il marketing cunzunt er en il sector digital porta emprims fritgs.

In nov purtader da reclama

En l'avegnir ha il Glacier Express in nov purtader da reclama. A l'ocasiun dal 10avel anniversari da Glacier Express AG ha ina locomotiva da la Viafier retica survegè in nov design. «Il Glacier Express è bain in product d'export il pli enconuscent dal turissem grischun. Nus sentin che quest tren da parada enconuscent sin tut il mund vegn pli e

pli era resentì en il Grischun sco product prezius», uschia il directur da la Viafier retica *Renato Fasciati* ier a chaschun dal batten da la locomotiva. Dapi sia lantschada l'onn 1930 ha il Glacier Express purtà milliuns da giasts en l'Engiadina. Per *Gerhard Walter*, il CEO dad Engiadina San Murezzan Turissem, munta il viadi cun il Glacier Express in event da ralentada divertent, quai che saja en noss temp da hectica in veritabel benefizi. Quai correspundia tuttavia a l'intenziun da pusizunar San Murezzan sco «Lifestyle extravagant» en las muntognas. Bain nagin auter che sa giuditgar meglier l'attractivitat da las marcas turisticas ch'ils Vallesans cun lur Matterhorn ch'è tenor il directur da Gottard Matterhorn *Fernando Lehner* satisfatg da l'iniziativa dals Grischuns.

Nov record da passagiers

L'onn 2017 han 220797 giasts evenimentà las Alps svizras cun il Glacier Express, uschè blers sco da ditg betg pli. Per l'onn current dastgass quai anc esser dapli, sco las frequenzas da l'emprim semester conferman. Tant las numerusas cuntribziuns dals giasts sin Social Media sco il grond interess da las medias, da blogger ed influenzers demussan era ch'in viadi cun il Glacier Express è vinavant in dals pli attractivs events da viafier sin il mund ed ina da las marcas las pli attractivas da la Svizra. Grazia a la digitalisaziun possian ils giasts far reservaziuns e retrair tickets a moda pli simpla. Lur cumpart munta actualmain a 50 pertschient e la tendenza mussa continuadamain ensi. D'attribuir è quai a la marca enconuscenta ed a las purschidas attractivas.



Batten cun ils directurs: Renato Fasciati (Viafier retica), Annemarie Meyer (Glacier Express) e Fernando Lehner (Viafier Matterhorn Gottard) (da san.).